



BOSNA I HERCEGOVINA  
FEDERACIJA BOSNE I HERCEGOVINE  
Kanton Sarajevo  
Grad Sarajevo  
**OPĆINA CENTAR SARAJEVO**  
OPĆINSKI NAČELNIK

Na osnovu člana 15. Zakona o mladima Federacije Bosne i Hercegovine («Službene novine FBiH», broj: 36/10), čl. 25. i 74. Statuta Općine Centar Sarajevo – prečišćen tekst («Službene novine Kantona Sarajevo», broj 23/04) i čl. 4., 5., 6. i 7. Pravilnika o vođenju spiska omladinskih udruženja na području Općine Centar, broj:10-49-1571/14 od dana 08.07.2014. godine, Općinski načelnik upućuje

**STALNI POZIV**  
**omladinskim udruženjima za upis u spisak omladinskih udruženja na području Općine Centar**

**I**

Pozivaju se omladinska udruženja koja imaju sjedište ili registrirani ured na području Općine Centar, da izvrše upis u spisak omladinskih udruženja Općine Centar Sarajevo.

**II**

„Omladinsko udruženje“ prema Zakonu, označava udruženje čije članstvo i organe upravljanja čine dvije trećine mladih, čije su aktivnosti i statutarne djelatnosti većinom usmjerene na mlade, a koje se osniva, registrira, djeluje i prestaje postojati u skladu sa zakonom na osnovu kojeg je registrirano“

Međunarodna udruženja ne mogu dobiti status omladinskog udruženja ako nisu registrirana i u Bosni i Hercegovini.

**III**

Omladinska udruženja koja žele predlagati projekte za mlade ili biti član Vijeća mladih Općine Centar dužna su se upisati u spisak omladinskih udruženja.

**IV**

Zahtjev za upis u spisak podnosi se Službi za upravu za obrazovanje, kulturu i sport, nakon upisa udruženja u registar koji vodi nadležno ministarstvo pravde.

Zahtjev za upis u spisak omladinskih udruženja potpisuje osoba ovlaštena za zastupanje i predstavljanje omladinskih udruženja.

Zahtjev se, prema vrsti podataka koji se unose, sastoji iz tri dijela, i to:

- a) podaci o omladinskom udruženju;
- b) podaci o licu ovlaštenom za zastupanje i predstavljanje;
- c) podaci o upravnom odboru i skupštini.

Podaci koji su upisani u zahtjev moraju biti istovjetni sa odredbama Statuta, odlukama i zaključcima organa upravljanja omladinskog udruženja na koje se podaci odnose.

Uz zahtjev za upis u spisak omladinskog udruženja prilažu se:

- osnivački akt
- statut
- rješenje o registraciji

Prilozi se podnose u originalu ili ovjerenoj fotokopiji.

## V

Obrazac br. 1. popunjava se na računaru i može se naći na WEB-STRANI Općine Centar:  
[www.centar.ba](http://www.centar.ba).

Prijava sa navedenom dokumentacijom podnosi se Službi za upravu za obrazovanje, kulturu i sport Općine Centar Sarajevo u Ulici Mis Irbina br.1 Sarajevo, putem pošte ili putem protokola Općine Centar Sarajevo.

## VI

Ovaj Javni poziv se objavljuje na oglasnoj ploči i web strani Općine Centar i stalnog je karaktera.

Za sve informacije možete se obratiti na telefon 56 25 12